



EDITORIAL

Atuhan an hiluagan nga pasista nga terorismo ngan Memo Order 32 han rehimen US-Duterte

Pormal na nga iginpailarum han rehimen US-Duterte ha militarisasyon ngan paghahadi militar an kadak-an han nasud han iginpagawas hini an Memorandum Order (MO) 32. Gamit hini, direkta nga nagdeploy hi Rodrigo Duterte han dugang nga mga batalyon ha Eastern Visayas, Isla han Negros ngan Bicol agud puypuyon kuno an “kabangisan ngan terorismo” ha ginsering nga mga rehiyon.

Ha aktwal, iginpailarum han MO 32 ha balaud militar an upat pa nga rehiyon samtang iginpahilawig ha ikatulo nga panahon an iginpahamtang na ha Mindanao ha kabug-usan han 2019. Di na mag-iiha ngan guti na la nga hinungdan, direkta ngan pormal na nga igpapailarum ni Duterte ha waray talaan nga paghahadi militar an nasasalin pa nga mga rehiyon. Ha aktwal, naragudos na ha bug-os nga kamurupud-an an pag-

hahadi nga teror han iya rehimen.

Samtang dugang nga ginpagrabe an militarisasyon ngan mga opensiba militar kontra ha Bagong Hukbong Bayan (BHB), an gilayon nga pokus han MO 32 amo an dugang pa nga paghuhugot han kontrol ngan pagmanipula han AFP ngan pulis ha eleksyon

"MO32...", sundan ha paypay 2

4 nga armas, nakumpiska han BHB-NEMR

NAKUMPISKA HAN BAGONG Hukbong Bayan-Northeastern Mindanao Region (BHB-NEMR) an upat nga hitaas nga kalibre nga armas (duha nga M16, usa nga M14 ngan usa nga R4) kahuman hini gamma-i an mga elemento han CAFGU ha Barangay San Antonio, bungto han Remedios T. Romualdez, Agusan del Norte hadton Nobyembre 29, alas-5 han aga. Upat an natatay ha gapil han kaaway, kalakip an sarhento nga namuno ha ira, ngan duha an samaran. Usa nga elemento naman han CAFGU an gindakop ngan ha presente aada ha kustodiya han mga Pula nga mangaraway.

Ha Misamis Oriental, ginkaengkwentro han mga Pula nga mangaraway ha Sityo Lakbangan, Barangay Minal-

"NEMR...", sundan ha paypay 4

han Mayo 2019 hini nga mga lugar. Ginririgodon ni Duterte an AFP ngan iginpwesto an iya gintatapurang nga mga upisyal agud seguruhon an pagdaug han mga kandidato nga pabor ha iya ngan ha iya grupo nga militar. Katuyuan han paksyon ni Duterte nga monopolisahan an eleksyon, kakunsabo an mga kaalyado hini nga *warlord* ngan dinastiya ha mga rehiyon ngan prubinsya. Ginpapaypayan hini an pasista nga panatisismo han AFP ngan PNP ngan iginpaeksister an waray-wantast nga panmwersa han estado agud pamingawon ha tarhug an katawhan, paralisahan an mga nariwa, ngan brutal nga pugngan an ngatanan nga naato.

Hul-os nga iginpapakita ni Duterte an iya kinaiya nga lanong nga pasista, papet, reaksyunaryo ngan hakog ha gahum ngan kurakot. Hiluagan ngan butad niya nga ginhihimo an ekstrahudisyal nga panmatay, pangabuso ha poder, pagpasamwak han mga buwa ngan maraut nga panguwat. Angay la hiya nga kangangalsan, hul-os nga ihi-mulang ngan hul-os nga atuhan han ngatanan nga rebolusyunaryo, progresi-

bo ngan demokratiko nga pwera.

Angay nga madig-on nga batunon han mas pa nga pagpapahiluaag ngan pagpapakusog han gera han katawhan an waray-wantast nga militarisasyon ngan pasista nga terorismo han rehimen US-Duterte. An mabangis nga pagpuyoy ha mga demokratiko nga katungod magduduso ha mas hiluag pa nga han-ay han katawhan ha armado nga pag-ato. Sugadpaman, kinahanglan nga padayon nga ig-insister ngan depensahan han mga demokratiko nga sektor ngan pwera an ira mga demokrati-ko nga katungod ngan paggios kontra ha pasista nga pananarhug ngan pan-gigipit. Hinumduman ngan katinan an mga leksyon han hilaba nga pakigbisog ha pasista nga diktadura nga US-Marcos.

Magpursigi ha maungod, pinakahiluag ngan pinaka-ngatanan-nga-gapil nga pagpasulong han armado nga pakigbisog, ligal nga demokratiko nga kagiusan, sikreto

nga kagiusan, pagbug-os han pinakahiluag nga nagkakaurusa nga prente nga kontrapasista, kontrapudal ngan kontra-imperyalista, pagpapakusog han Partido ha ideolohiya, pulitika ngan organisasyon, ngan pag-aghat han pinakahiluag nga suporta ti-kang ha mga kababayan ngan mga progresibo ngan demokrati-ko nga organisasyon ngan pwera ha langyaw nga labnasan.

Kinahanglan nga hul-os nga makakaya nga isulong ngan pasik-unon han Partido an gerilya nga pakig-away. Maungod nga iglansar an mga batakan nga taktikal nga opensiba. Iglansar ha ngatanan nga balitang han hukbo, ngatanan nga prente an mga operasyon nga atritibo, kadungnan nga ginpapahiluag an mga aksyon nga atritibo pinaagi han hiluagan nga pagpapagios ha milisya han katawhan ngan masa ngan hiluagan nga paggamit han mga paburuthon ngan iba pa nga mga armas.

Tindugon ngan pakusgon an mga platon ngan kumpanya han BHB nga nagsusumpay ha mga prente gerilya. Pakusgon an kumand ha ngan koordinasyon han mga yunit gerilya ngan katinan an inisyatiba militar ngan pulitika. Hugot nga subaybayan an gios han kaaway ngan tudlukon an papel han magkalain-lain nga erya ngan yunit ha pag-ato ngan pagburubli-gay. Pursigido nga pahitas-on an kahibaruan ngan kakayahan militar han mga kumander ngan mangaraway pinaagi han mga edukasyon, pagpapahiara, ehersisyo, pag-aases, pagsusumada ngan mga kumperensya pulitiko-militar ha magkalain-lain nga balitang. Tagan-prayoridad an mga aksyon militar sugad han pagbira ha pinaka-ginkakangalsan nga pasista nga upisyal ngan yunit, mga kawatan nga dagko nga korporasyon ngan mga nagdudurot han grabe nga kakurian ngan destroso ha dako nga ihap han katawhan. Labaw nga ginkikinahanglan ini atubangan han tarhug ni Duterte nga gamiton an iya *death squad* kontra ha iya mga



ANG Bayan

Bolyum XLIX Ihap 23 | Disyembre 7, 2018

Igin-gagawas an *Ang Bayan* ha yinaknan nga Pilipino, Bisaya, Iloko, Hiligaynon, Waray ngan Ingles. Nakarawat an *Ang Bayan* han mga kontribusyon ha porma han mga artikulo ngan balita. Gin-aaghat liwat an mga mambarasa nga magpaabot han mga suson ngan rekomendasyon ha ikauuswag han aton mantalaan.

 [instagram.com/sine.proletaryo](https://www.instagram.com/sine.proletaryo)

 [@prwc_info](https://twitter.com/prwc_info)

 [fb.com/groups/prwcnewsroom](https://www.facebook.com/groups/prwcnewsroom)

 cppinformationbureau@gmail.com

Gin-uunod

Editorial: Atuhan an pasista nga terorismo ngan Memo Order 32	1
4 armas, nasamsam han BHB-NEMR	1
Mag-asawa nga Casambre, gin-aresto	4
Rekrutment han CAFGU, ginhihimo nga negosyo	4
Kasaysayan han Partido ha Ginamat	5
18, gin-aresto ha Talaingod	6
Adlaw ni Bonifacio, ginsalin-urog	8
Welga ha Liwayway, daug	7
Panraugdaug ngan balaud militar, ginkundenar	8
Kampuhan han NAMASUFA ha Mendiola	8
Kampuhan han mga parag-uma han BTL	8
Semana han PLGA, ginhinumdom	8

An *Ang Bayan* igin-gagawas duha kabeses kada bulan han Komite Sentral han Partido Komunista ng Pilipinas

kakontra ngan kritiko. Kinahanglan liwat sabotahion an mga pasilidad nga gin-gagamit ha mga pasista nga opensiba ha kabaryuhan ngan pasista nga pan-gigipit ha katawhan. Punto-por-punto nga atuhan an mga pakaraut ngan pambirikis han AFP ngan rehimen kasumpay han mga taktikal nga opensiba ngan ag-way.

Pahiluagon ngan pasik-unon an kagiusan ngan pakigbisog nga kontrapyudal komo yawe ha pagpukaw ngan pagpapagios ha masa nga parag-uma ngan trabahador ha uma ngan pagpatuman ha mga nangununa nga responsabilidad. Kalakip dinhi an mga kampanya ngan panmasa nga pakigbisog ngan an mga taktika ngan buruhaton alyansa kontra ha mga operasyon nga "peace and development" ngan iba pa nga tipo han pasista nga terorismo ngan pan-aabusu. Ipanhimuwa ngan atuhan an kampanya nga pagpapasurender han mga sibilyan ngan ha piniritay nga pagpapaapi nira ha reaksyunaryo nga hukbo. Tagan-pagtagad an hiluagan ngan grabe nga kurapsyon ha ranggo han militar, tikang ha pinakahitaas nga balitang tubtub ha ubos.

Tagan han pagtagad an mga landaw nga problema han pinakadako nga ihap han masa ha ira lupog ngan an ira mga suhestyon. Pukawon ngan urusa hira nga pagiuson agud atubangon ngan solbaron ini nga mga problema. An paghiluag ngan konsolidasyon han organisasyon masa labaw ha ngatanan angay nga magkahulugan ha paghiluag ngan pagkusog han mga kampanya ngan mobilisasyon masa. Parayhakon an mga kampanya ha produksyon ngan pagpapauswag han pakabuhian agud umuswag an kamutangan han masa ngan mabaton an mga panginginahanglan han hukbo han katawhan ngan gerra.

Pahiluagon ngan parayhakon an kampanya ngan mobilisasyon masa ha edukasyon ngan propaganda agud pahitas-on an pampulitika nga kapukawon ngan mapan-ato nga diwa han masa nga anakbalhas. Pahiluagon ngan parayhakon an iba pa nga panmasa nga kampanya ha kultura, panlawas ngan iba pa agud ipabilin nga buhi an militansya, pagkakaurosa ngan an ira duruyog

nga pakigbisog.

Pahiluagon ngan pasik-unon an mga aksyon protesta ngan iba pa nga panmasa nga pakigbisog kontra ha iligal nga pandakop ngan iba pa nga pasista nga pan-gigipit ha mga demokratiko nga katungod ngan mga ligal nga demokratiko nga organisasyon.

Pahiluagon ngan pasik-unon an mga pakigbisog nga unyon ngan pakabuhian han mga trabahador, kabras ha syudad ngan han magkalain-lain nga sektor para ha pakabuhian ngan serbisyo sosyal. Atuhan an pali-siya nga neoliberal nga nagtitiyupi ha mga anakbalhas ngan labaw nga napabor ha dako nga negosyo nga lokal ngan langyaw. Ibuksas ngan atuhan an mga neoliberal nga pagdidiri, pan-gigipit ngan pagdiri ha mga unyon ngan katungod pan-union, sugad man ha iba pa nga mga kalibrihan nga indibidwal ngan kolektibo ha mga pabrika, upisina ngan eskoylahan, para ha interes han dagko nga korporasyon nga langyaw ngan lokal.

Angay ig-insister ngan ipakigbisog han mga ligal nga progresibo nga organisasyon, partido ngan alyansa an ira ligalidad. Angay pada-yon nga magpahiluag ngan magpakusog ini hira samtang hiluagan nga ginpupukaw ngan ginpapagios an mga tradisyunal ngan di-tradisyunal nga mga organisasyon ngan alyansa han mga demokratiko nga sektor.

Tindugon an pinakahiluag nga mga alyansa nga antipasista. Maki-gig-usa ha pinakahiluag nga ranggo han mga demokratiko ngan antipasista nga pwersa ngan huyob agud depensahan an mga demokratiko nga katungod ngan kalibrihan sibil kontra ha pasista nga pan-gigipit.

Ibuksas ngan atuhan an larang han pasista nga grupo ni Duterte nga manipulahon an eleksyon. An hiluag ngan dirudilain nga balitang han pagkaurusa ngan pagburubligay han mga partido ngan kandidato an piho nga mapahimulag

ngan magpeperdi ha mga kandidato nga lanong nga pro-Duterte ngan lanong nga kontrarebolusyonaryo.

Hiluagan nga pagiuson an ngatanan nga rebolusyonaryo ngan progresibo nga pwersa ngan masa ha kabaryuhan ngan kasyudaran agud aktibo nga atuhan an mga pagbinuwa, pambirikis ngan kontrarebolusyonaryo nga saywar han pasista nga rehimen ngan AFP.

Dirudiretso nga ibuksas ngan kndenaron an mga pasista nga krimen ngan pangabusu, an mga panlulupot ngan pangawat, an mga paniniyupi ngan pananalumpigos ha mga anak-balhas, an butad nga mga kadunutan ngan kurapsyon, ngan iba pa nga kadunutan han rehimen ngan naghahadi nga sistema. Maduruto nga ipasamwak ngan ig-undong an mga rebolusyonaryo nga panawagan ngan pakigbisog.

Angay nga pahiluagon ngan pakusgon an Partido ha ngatanan nga balitang. Maungod nga ipasulong ngan pasik-unon an ginerilya nga pakig-away ngan mga pakigbisog nga kontrapasista, kontrapyudal ngan kontra-imperyalista kontra ha pasista nga rehimen nga US-Duterte. Padayon nga pakusgon an pagpamuno ha pulitika ngan militar han Partido ha pinakahiluag nga masa. Pauswagon an kakayahan nga maglansar ngan magpasulong han mga hiluagan nga kampanya ngan panmasa nga pakigbisog ha pulitika, ekonomiya, militar, produksyon, edukasyon, panlawas, kultura ngan iba pa.

Kinahanglan nga hiluagan nga ibuksas, ihimulag ngan atuhan an pasista ngan papet nga rehimen Duterte ha langyaw nga labnasan ngan internasyunal nga opinyon publiko. Pursigido nga pahiluagon an pagpupukaw, pag-oorganisa ngan pagpapagios ha mga migrante. Pahiluagon an sumpay ngan pakigbuligay ha mga pwersa nga rebolusyonaryo ngan progresibo ha langyaw nga labnasan. AB

wang ha bungto han Claveria an mga nag-ooperasyon nga tropa han AFP hadton Disyembre 6. Duha nga sundalo an napatay.

Ha Negros Occidental, usa nga sundalo an napatay han pabuthan han BHB an *patrol base* han 15th IB ha Sityo Bugtong Kahoy, Barangay Asia ha bungto han Hinobaan hadton Nobyembre 27 alas-8 han aga. Samaran hi S/Sgt. Ricky Ignacio, kumander han nasering nga detatsment. An operasyon baton han BHB ha ungara han mga residente nga tapuson na an militarisasyon han AFP ha ira nga lugar. Sering han BHB-Negros Occidental, damo na nga sumat kasumpay han pagkakampo han mga sundalo ha mga eskoylahan, *barangay hall*, merkado ngan bisan ha balay ha komunidad.

Nagpagawas liwat han listahan an 15th IB han nga residente nga "ginpapasurender" ngan nagpahamtang han *curfew*. Igindiri an pagkadto han mga residente ha ira mga uma ha gawas han baryo. Ginhibang liwat an ira mga tanum, higamit-pan-uma ngan mga binuhi nga hayop.

Ha Samar, upat nga susrunod nga armado nga aksyon an iginlansar han BHB-Eastern Visayas hadton Nobyembre 9-20. Ginharas han mga Pula nga mangaraway an mga tropa han 14th IB nga nagpasingadto ha Barangay Concepcion ha Paranas hadton Nobyembre 20. Antes hini, gin-atke han BHB an nagkakampo nga tropa han 52nd IB ngan CAA ha Barangay Buenavista, San Jorge hadton Nobyembre 18. Duha nga elemento han CAFGU an napatay ngan usa an samaran.

Hadton Nobyembre 10, ginharas han usa nga yunit han BHB an mga nag-ooperasyon nga mga tropa han 14th IB ha Barangay Salvacion, Can-avid, Eastern Samar samtang ginharas naman han usa pa nga yunit an mga tropa han 63rd IB ha Sityo Galutan, Barangay San Nicolas, San Jose de Buan hadton Nobyembre 9. AB

Mag-asawa nga Casambre, iligal nga gin-aresto

ILIGAL NGA GIN-ARESTO han mga operatiba han militar ngan pulis an mag-asawa nga Rey Claro ngan Corazon Casambre ha Cavite hadton katutnga han gab-i han Disyembre 6. Konsultant hi Rey Casambre han National Democratic Front of the Philippines (NDFP). Direkta nga gintalapas han pag-aresto an iya katungod ilarum han Joint Agreement on Safety and Immunity Guarantees giutan han GRP ngan NDFP.

Para matagan han katadungan an pag-aresto, waray kaarawdan nga gintamnan han mga operatiba han PNP han mga pusil ngan bomba an sarakyan han mag-asawa ngan ginsalawdan han klaro nga hinimuhimo nga kaso han pagpatay ngan atentar nga pagpatay ha Davao Oriental. Ika-upat na nga konsultant han NDFP hi Casambre nga iligal nga gin-aresto ngan igindetiner han rehimen US-Duterte.

An susrunod nga pag-aresto ha mga konsultant han NDFP kaparte han pasista nga pan-gigipit ngan *de facto* nga balaud militar han rehimen agud pugngan ngan gaoman an mga demokratiko nga grupo ngan pwersa nga oposisyon ha mairaut nga katuyuan hini nga pami-

ngawon an katawhan nga Pilipino ngan paludhon hira ha iya tiraniko nga paghahadi.

An pag-aresto kan Casambre, nga kalakip ha mga gin-ngaranan nga terorista han rehimen ha kaso nga proskripsyon kontra ha PKP ngan BHB nga iginsubmiter hini ha reaksyunaryo nga korte, kaparte han kampanya nga pan-gigipit nga nakabalayan ha National Internal Security Plan ni Duterte nga nagtutumuyo nga rumkon an rebolusyonaryo nga armado nga kagiusan ngan mga masa nga pakigbisog agud mamanipula an resulta han eleksyon 2019 ngan igduso an iya iskema nga magtindog han usa nga pasista nga diktadura.

Rekrutment han CAFGU, ginhihimo nga negosyo

GIN-GAGAMIT HAN AFP an rekrutment ngan tawohan han CAFGU para makakawarta. Ini an iginbuyagyag han tagapagyakan han BHB-Northeast Mindanao Region nga hi Ariel Montero. Sering niya, mayda sobra 100 nga detatsment han CAFGU ha rehiyon yana. Labot pa ini ha mga detatsment han SCAA nga nagseserbe nga pribado nga gwardya han mga kumpanya han mina ngan plantasyon. Mayda porlomenos 40 nga elemento han CAFGU an kada detatsment o 4,000 ha 100 nga detatsment ha bug-os nga rehiyon.

Ha papel, ginsusuhulan an mga CAFGU hin P4,500/buwan kada usa (P18 milyon/bulan). Pero ha tinuod, diri ini iginhahatag ha ira ha sakob han tulo tubtub upat kabulan agud magamit han mga upisyal komo kapital ha ira mga negosyo ngan pautang. Komo pautang, gin-iimponer an ini han 5% tubtub 20% nga interes. Ha sugad, naganansya an mga upisyal-militar ha rehiyon han tubtub P10.8 milyon kada kwarto. Agud makakawarta an mga elemento han CAFGU, nangungutang an ira mga pamilya ha mga "kooperatiba" nga igintukod han AFP o han mga usurero nga kakunsabo nira.

Iginbuksas liwat ni Montero nga naghinpadamo han mga peke nga surrenderer an mga kumander han 75th IB ngan 36th IB tungod kay nag-iinteres ini hira ha promosyon agud magin kumander han dibisyon. Ha ira ura-ura nga pananalinguha, gin-gagamit nira nga ebidensya bisan an mga riple nga gin-gagamit han mga parag-uma para ha pangayam. Ginhihimo liwat nira nga surrenderer an gindududahan nira nga tagsuporta han BHB ngan an ira mga pamilya.

Ginhimo liwat han mga upisyal nga pakabuhian an programa han pagpapasurender. Panalagsa, kun nakakarawat man, han mga "surrenderer" an saad ha ira nga P65,000 nga ayuda pinansyal. AB

Gamhanan nga kasaysayan han Partido ha Ginamat



Ini nga artikulo amot han mga kaapi han Partido ha rehiyon han Ilocos-Cordillera ha serye han Ang Bayan (AB) hiunong ha mga landaw nga eksperyensya ha pagtukod han mga sanga han Partido ha magkalinlain nga natad han rebolusyonaryo nga buruhaton. Nananawagan an patnugutan han AB ha iba pa nga komite han Partido nga mag-amot hini nga serye pinaagi han pagsubmiter han iyo landaw nga mga estorya.

An baryo Ginamat usa nga baryo ha Cordillera nga mayda hila laban nga dakila nga kasaysayan ha paggios ha pamumuno han Partido Komunista ng Pilipinas. Sobra usa kagatos la an balay dinhi pero guti man, ini an usa ha mga nanguna ha pag-ato ha plano han diktadura nga US-Marcos nga tindugon an Chico Dam hadton dekada 70.

Tuig 1976 syahan nga gumios an mga elemento han Bagong Hukbong Bayan ha lugar. Dayon nga naghimo an mga Pula nga mangaraway han mga pag-aram ngan iginisa an pagbulig ha mga residente ha Chico Dam ngadto ha usa nga anti-imperyalista nga pag-ato. Hadto pa man, nakatalaan nga lupgupon hini nga proyekto an mga munisipyo han Tabuk, Luguagan, Tanudan ngan Tinglayan ha Kalinga tubtub ha mga munisipyo han Sadanga, Sabangan ngan Bontoc ha Mountain Province, ngan maglulunod han mga komunidad nga maapekto ha sobra 100,000 nga molupyo.

Usa ha syahan nga iginkaestorya han mga Pula nga mangaraway an mga pangat (mga tradisyunal nga lider) han tribu ngan mga *peace-pact holder* agud matindog an pagkaurusa han Hukbo ngan katawhan kasumpay han pag-ato ha Chico Dam. Dagmit an pagrerekrut han mga Pula nga mangaraway tikang ha ranggo han mga tribu, sugadman an pagpapahiluag han impluwensya han rebolusyonaryo nga kagiusan ha lugar. Waray nagin problema an pag-aarmas ha damo nga umapi ha Hukbo tungod kay kasagaran mayda riple an mga katutubo ha lugar. Sakob la han pira katuig inabot na ha pira kaplatun an umapi ha BHB tikang ha nasering nga baryo.

Syahan nga parte han dekada 1980s natindog an sanga han Partido ha lokalidad ha Ginamat. Gintindog ini han mga aktibista nga masa, namumutngaan nga pwersa ngan kabatan-unan. Hira an nanguna ha

mga buruhaton propaganda ngan edukasyon ha baryo. Naglansar liwat hira han mga pagpapahiara han yunit mili-sya.

An mga kagiusan masa sugad han mga nailansar nga mga “bodong conference” ngan an marayhak nga panmasa nga edukasyon, nga gintawag han mga residente nga “iskuling”, an nagpaturuk han paborable nga kundisyon para ha pagpapakusog ngan pagpaparayhak ha rebolusyonaryo nga kagiusan masa ngan armado nga pakikigbisog kontra ha dam. Tungod ha madig-on nga pagkakaurusa han Hukbo ngan katawhan, ngan ha pursigido ngan marayhak nga kagiusan masa ngan armado nga pakikigbisog, gin-atras han diktadura nga Marcos an pagtindog han Chico Dam 1-4 hadton 1982.

Sugad han iba nga sanga ha rehiyon ngan ha bug-os nga nasud, nahiangum han mga uranos ngan pagproybar an Partido ha Ginamat ha sinunod nga mga dekada. Ha butnga hini, nagpabilin nga nakada ha tukma nga dalan an katindog han Partido ha lugar.

Utro nga kumusog an Partido ha Ginamat tikang 2009. Hini nga panahon, utro nga umandar an mga hul-os nga asosasyon masa han mga parag-uma, kababayin-an ngan kabatan-unan. Tikang hadto tubtob yana, dirudiretso an buruhaton nga konsolidasyon ha baryo pinaagi han kampanya nga edukasyon. Gintagan duon an pagtapos han Batakan nga Kurso han Partido ha mga kaapi han sanga. Ha dayuday natindog an komite nga subseksyon ha klaster nga

nasakban han baryo Ginamat. Nagin kaapi hini an mga kadre tikang ha lokalidad.

Ha utro nga pagrayhak han Partido ngan mga organisasyon masa, utro liwat nga nagrayhak an mga kagiusan masa. Utro nga lumarga an mga plano ha rebolusyon agraryo ha baryo nga nakatadong ha pagpapauswag han agrikultural nga produksyon han katawhan, sugad han pagpapauswag han produksyon han bugas.

Landaw an dirudiretso nga paglarga han kontrapasista nga pakigbisog han katawhan han Ginamat. Madig-on nga gin-atubang han sanga ngan mga organisasyon masa an mga pasista nga atake han kaaway ha baryo kaupod an mga pananarhug ngan pan-gigipit ha mga panmasa nga aktibista. Ha kada pagsulod han mga tropa han AFP ha ira baryo, dagmit nga nagios an mga residente agud seguruhon nga diri hira mag-iha ngan dayon nga mapapalayas.

Pagsakob pa la han mga tropa han militar ha baryo dayon nga nagpapatawag han miting an sanga agud ibalayan an ira mga pitad. An pipira kabeses nga panmimit han kaaway nga magrekluta han CAFGU ngan magtindog han detatsment dayon nga napupugngan. Dirudiretso hira nga nagpadara han mga petyisyon ngan delegasyon agud patalsikon an mga detatsment nga igin-tindog ha kahigripid nira nga baryo.

Ha pamumuno han SPL ha mga masa nga pakigbisog ngan partisipasyon han mga residente ha armado nga pakigbisog, labaw nga napadig-on an Partido ngan an pampulitika nga poder han katawhan ha baryo. Ha pagkayana mayda na sobra 40 nga kaapi an SPL ngan dirudiretso an ira pananalinguha nga makapagpalutaw han mga pultaym nga mangaraway para ha Pula nga Hukbo.

18, ilegal nga gin-aresto ha Talaingod

Gindakop ngan ginsalawdan han hinimu-himo nga kaso nga *kidnapping* ngan *human trafficking* ha Tagum City hadton Nobyembre 29 an 18 mga lider-masa ngan aktibista ha pangunguna ni anay Bayan Muna Rep. Satur Ocampo ngan ACT Teachers Party Rep. France Castro. Usa kaadlaw antes hini, gin-ulang, gin-interoga, ngan arbitraryo nga gindetiner han mga elemento han pulis, 56th IB ngan han Municipal Social Work and Development Office hira Ocampo, Castro ngan 77 nga iba pa nga delegado han National Humanitarian Mission (NHM) ngan mga nag-ebakwet nga ira gintabagan ha Talaingod, Davao del Norte.

Hadton Nobyembre 28, naisumat nga pirit nga ginkandado han mga elemento han paramilitar nga Alamara an kampus han Salugpongan Ta' Tanu Igkanugon Community Learning Center, Inc. (STTICLCI) ha Sityo Dulyan, Barangay Palma Gil. Gintarhug liwat han Alamara ngan 56th IB an mga residente ngan nagpatuman han blokeyo ha pagkaon. Tungod ha padayon nga pan-gigipit han militar, naduso han pagkagab-i nga mag-ebakwet an mga residente, estudyante ngan magtuturdo. Hin waray paniklop, naglakat hira hin sobra tulo kaoras pahirayo ha komunidad para tapuon an mga delegado han NHM.

Naisumat han mga delegado nga duha kabeses nga gin-ulang han 56th IB an ira komboyo—ha Sityo Igang banda alas-8 han gab-i para kuno papirmahon hira ha usa nga “attendance sheet;” ngan ha Sityo Upaw banda alas-9:20 kun diin hira ginbato, duha kabeses nga ginpabuthan han pusil ngan ginluhoan an mga kaliding han sarakyan gamit an raysang.

Kahuman hini, dapit alas-9:30 gindara ngan gintikangan nga igdetiner an 79 nga delegado ngan nag-ebakwet ha Talaingod Police Station. Kaupod han mga gindetiner an 29 estudyante, ngan 12 nga magtuturdo han STTICLCI.

Ha kasumpay nga balita, nagprotesta an dirudilain nga progresibo nga grupo atubangan han Camp Crame hadton Disyembre 3 ngan ha Boy Scout Circle, Quezon City hadton Nobyembre 30 agud kondenaron an ilegal nga pag-aresto ha Talaingod 18 ngan iginpanawagan nga dayon hira nga pagawason.

Temporaryo nga ginbuhian han

Tagum Regional Trial Court an 18 hadton Disyembre 1 kahuman magbayad han piyansa nga P1.44 milyon (P80,000 kada usa).

Samtang, dirudiretso an panraugdaug han pasista nga tropa ha mga progresibo, ha ira mga pamilya ngan tagsuporta.

Hadton Nobyembre 23, ginpurupusil han walo nga waray makilalan nga lalaki an mga kaapi han Nagkahiusang Mag-uuma sa Agusan del Sur (NAMASUR) nga hira Datu Walter España, tagapangulo hini, Rommel Romon ngan usa pa nira nga kaupod ha Sityo Cantagan, Barangay Lucac, San Francisco hadton Nobyembre 2. Nahiagum han tulo nga igo han bala hi Romon nga dayon niya nga iginkamatay. Dayon nga gindara ha ospital hi España ngan ha yana aada pa ha kritikal nga kamutangan tungod ha mga igo han bala ha dughan, tiyan, paa ngan hawak. Samtang, nakatalwas an usa nira nga kaupod. An NAMASUR aktibo nga natipa ha pagpapahilugan han mga plantasyon han palm oil han Davao San Francisco Agricultural Ventures Inc. Antes hini, daan na nga gin-gipit ngan nakakarawat han tarhug ha kinabuhi hi España.

Hadton Nobyembre 27, ginpusil han duha nga gindududahan nga ahente han 29th IB hi Linus Cubol, anay tagapangulo han Kilusang Mayo Uno-Caraga ngan rehiyunal nga koordinador han Anakpawis, atubangan han iya tindahan ha Santiago, Agusan del Norte. Nahiagum han lima nga igo han bala an biktima nga dayon niya nga iginkamatay. Antes an insidente, dirudiretso an pan-gigipit ngan pananarhug han 29th IB kan Cubol. Pira kabeses liwat hiya nga gin-interogar tungod la ha pag-

upod ha mga aktibidad han mga progresibo nga grupo.

Mahihinumduman nga hadton Nobyembre 27 upisyal nga ginpahayag ni Rodrigo Duterte an paghaway han usa nga “death squad” kontra kuno ha mga kaapi ngan karuyag umapi ha Bagong Hukbong Bayan.

Samtang, upat nga magtuturdo an ginkidnap ngan ilegal nga gindetiner han 51st ngan 81st IB ha Lanao del Sur. Nadiskubre hadton Nobyembre 27 nga nakada ha kustodiya han militar an upat nga magtuturdo nga boluntir han Rural Missionaries of the Philippines-Northern Mindanao nga ginkidnap han mga tropa han nasering nga mga yunit hadton aga han Nobyembre 27 samtang natutdo ha eskoylahan han Sityo Babalayan, Barangay Durongan, Tagoloan 2, Lanao del Sur. Ginkilala an mga biktima nga hira Tema Namatidong 28, Julius Torregosa, 30, Ariel Barluado, 22, ngan Giovanni Solomon, 20.

Ginkumpirma ni Cpl. Rico Ordoneza han 103rd IB nga ha pagkayana nakadetiner ngan gin-iinimbestigaran an mga magtuturdo tungod kuno kay nakit-an hira nga upod hi Sultan Jamla, nga mayda mandamyento de aresto para ha dirudilain nga kaso nga kriminal. Antes hini, nagpasamwak an mga sundalo han buwa nga balita nga gindara an biktima ha Marawi City agud iwaog an mga namimiling ha ira.

Kadungan hini, lima nga estudyante han Mindanao Interfaith Services Foundation Inc. (MISFI) an gintortyur han mga tropa han 19th IB hadton Nobyembre 18 ha Magpet, North Cotabato. Gininterogar han mga sundalo an mga estudyante hiunong ha lokasyon han mga kaapi han MISFI, ngan han waray bumaton pinan-ngastigo, pirit nga ginpaluhod ha tuna ngan gintarhug nga patayon.

Bisan an mga kaurupdan han mga progresibo diri talwas ha pasismo. Hadton Nobyembre 24, gintortyur han siyam nga kaapi han

65th IB nga nakabase ha Opol, Misamis Oriental an bug-os nga kaurupdan ni Joseph Paborada. Tagapangulo hi Paborada han Pangalasang, usa nga lokal nga organisasyon nga Lumad ngan kaapi han Kalumbay Regional Lumad Organization, mga organisasyon nga aktibo nga nagdedepensa ha tuna han kaapuy-apuyan.

Dapit alas-9 han gab-i han pirit nga sudlon han mga sundalo an balay hi Paborada ngan ginkastigo hiya ngan an iya asawa ngan tulo nga anak. Duha kabeses liwat nga nagpabuto han pusil an usa nga sundalo ngan gintarhug hi Paborada nga papatayon pati an usa ha iya mga anak.

Ha Compostela Valley, duha kabeses nga gin-atake han waray makilal-an nga mga lalaki an pamilya ni Paul John Dizon, tagapangulo han Nagkahiusang Mamumu sa Suyapa Farms (NAMASUFA) hadton Nobyembre 30. Napugngan nira an una nga atake dapit alas-12 han katutnga han gab-i kun diin gin-atenatar nga dagkutan an ira balay. Binalik an mga lalaki dapit ala-1:30 han aga ngan ginpauranan han bala an balay. Ha presente nakampo an mga kaapi han NAMASUFA ha Manila agud atuhan an kontraktwalisasyon ngan balaud militar ha Mindanao. (*Basaha an kasumpay nga artikulo ha paypay 8*). AB

Ika-155 nga kaadlawan ni Bonifacio, iginsalin-urog

Ha pangunguna han Kilusang Mayo Uno iginsalin-urog han mga nasudnon demokratiko nga grupo an ika-155 nga kaadlawan ni Andres Bonifacio hadton Nobyembre 30. Nagprotesta an mga progresibo nga organisasyon ngan sektor ha ganghaan han tulay han Mendiola agud kundaron an dirudiretso nga pangginginyupo han rehimen Duterte ha US ngan China. Ginpanawagan liwat nira an gilayon nga pagtapos ha pangipit ha demokratiko nga katungod ngan balaud militar ha Mindanao.

Kahaman hini, kumadto an mga raliyista ha Embahada han US agud atuhan an padayon nga pangginginlabot han imperyalista ha nasud. Nagtapos an programa ha pagsunog han usa nga *effigy* nga mayda nawong ni Duterte nga ginpatungan ni US President Trump ngan President Xi Jinping han Tsina.

Kasumpay hini, nagprotesta an mga progresibo nga grupo tikang ha Southern Tagalog ha pangunguna han Pamantik-KMU ha Crossing, Calamba, Laguna ha eksakto alas-4 han kulop.

Kadungan nga iginsalin-urog han mga balangay han Anakbayan an Adlaw ni Bonifacio ngan an ira ika-20 anibersaryo. Ha pangunguna han nasyunal nga upisina han Anakbayan, ginpasundayag an drama nga “Ang Naratibo ng Bayan ay Naratibo ng Digma” ha UP Film Institute, UP Diliman

ngan Polytechnic University of the Philippines. Iginlansar liwat han mga balangay han Anakbayan ha Bicol, Cavite ngan Cordillera an mga katitirok ngan paggios.

Samtang, naghimo han pakilat nga rali an sikreto nga organisasyon nga Kabataang Makabayan (KM)-Lucille Gypsy Zabala Brigade atubangan han Far Eastern University ha Manila hadton Nobyembre 29.

Ginhimo an protesta komo pagpasidungog ha ika-54 nga tuig nga anibersaryo han KM ngan mga kabatan-unan nga naghilad hin kinabuhi ha rebolusyon.

Iginpanawagan nira an pagpapabagsak ha tiraniko nga paghahadi han rehimen US-Duterte ngan pag-api han kabatan-unan ha Bagong Hukbong Bayan. Kapareho nga protesta an iginlansar han Kabataang Makabayan ha Cebu. AB

Mga parag-uma han BTL, nagkampuhan

SOBNA NA USA KASEMANA nga nakampo an mayda 400 nga parag-uma han Buffalo-Tamaraw-Limus (BTL) ha Malaybalay City, Bukidnon. Nagtikang an kampuhan hadton Nobyembre 27 agud ig-insister kan Jose Ma. Zubiri, gobernador han prubinsya, nga igdistribwer na an 517 ektarya nga tuna nga tulo kadekada na nira nga gin-uuma.

Sigon ha pangulo han BTL, diri hira maiwas ha lugar tubtub diri babatunon ni Zubiri an maiha na nira nga panawagan. Gin-insister liwat han grupo nga tapuson an harasment ngan *red-tagging* ha ira han-ay. Ginpapalayas liwat nira an mga sundalo nga nakada ha ira mga komunidad.

Samtang, naghimo han usa nga misa ngan nagdagkot han kandila an mga tawo ha singbahan, mga tagdepensa han katungod pantawo ngan mga parag-uma ha

Quiapo Church hadton Nobyembre 29 para ha mga biktima han masaker ha Sagay, Negros Occidental.

Sugadman hadton Disyembre 4, nagprotesta an Bagong Alyansang Makabayan ngan Anakpawis ha atubangan han Department of Justice ngan nagsalawad han reklamo kontra ha amay han bata nga nakatalwas ha masaker. Sigon ha ira, gin-gagamit han pulis ngan militar an mga bata kontra ha mga trabahador ha uma nga asay an mga biktima.

Ha kasumpay nga balita, nagprotesta an mga kaapi han T’boli Manobo S’daf Claimants Organization atubangan han kampo militar ha Lake Sebu, South Cotabato kahuman han usa katuig nga kawaray hustisya ha pagmasaker han mga elemento han AFP ha pito nga miyembro han ira tribu hadton Disyembre 3, 2017. Kaupod ha mga ginpatay an ira lider nga hi Datu Victor Danyan Sr.

Panraugdaug ngan balaud militar ha Mindanao, ginkundenar

NAGPROTESTA HA ATUBANGAN han Department of National Defense, Camp Aguinaldo, Quezon City hadton Disyembre 4 an grupo ha pangu-nguna han BAYAN-Mindanao ngan Barug Katungod agud atuhan an padayon nga pag-eksister han balaud militar ha isla nga nagdudurot han pagtalapas ha tawhanon nga katungod.

Samtang, ha ginhimo nga National Clergy Convocation han Iglesia Filipina Independiente hadton Nobyembre 20, naglansar han usa nga pag-ampo ngan programa han pagkaurusa para ha mga nag-ebakwet nga Manobo. Nagdagkot hira han kandila ha UCCP Haran agud igpanawagan an pagtapos han panraugdaug ha mga Lumad.

Ha pangunguna naman han Artists for Human Rights (AHRT!), iginlansar an CINERESBAK: Decades of Resistance Films ha Cine Adarna, UP Diliman, usa nga programa han pagpasalida han mga pelikula han pag-ato hadton Disyembre 3.

Ginsundan ini han RAMPA! Red Carpet Walk kontra ha *Red-tagging* ngan mga atake ha katawhan. Nagpartisipar dinhi an Samahan ng Manininda sa UP, mga trabahador han SUMIFRU, hi Mae Paner ngan iba pa nga personalidad.

Kadungan naman han pagsalin-urog han International Day for the Elimination of Violence against Women, naglansar han protesta an Gabriela-Bicol hadton Nobyembre 25 ha Plaza Oragon, Naga City. Samtang hadton Nobyembre 29, nagprotesta an Karapatan ngan Gabriela atubangan han Department of National Defense sa Cubao, Quezon City. Kadungan ini han pagsalin-urog han International Women Human Rights Defenders' Day.

Ha paghinumdom ha Maguindanao Massacre ngan International Day to End Impunity hadton Nobyembre 23, nagprotesta an Anakbayan Southern Tagalog ha Crossing, Calamba, Laguna ngan Freedom Park, Palapala, Dasmaringas, Cavite. Sugadman, naglansar han protesta ngan nagdagkot han kandila an College Editors' Guild of the Philippines-Cebu ngan Karapatan-Cebu ha Metro Colon, Cebu.

Samtang, hadton Nobyembre 28 komo paghinumdom ha usa katuig nga kawaray hustisya ha pagpataya kanda Elisa Badayos han Karapatan Negros Oriental ngan Elioterio Moises han Mantapi Farmers' Association ha ginhimo han Central Visayas Fact Finding Mission naglansar hira han martsa ha atubangan han Commission on Human Rights Region VII ngan Metro Colon, Cebu. AB

Semana han PLGA, ginhinumdom

GINHINUMDOM YANA nga Disyembre 2-10 han Communist Party of India Maoist(CPI-M) an tinuig nga Semana han People's Liberation Guerilla Army(PLGA). Iginlansar an Semana han PLGA komo paghinumdom ha tulo nga kaapi han Komite Sentral han CPI-Maoist – hira Seelam Naresh, Nalla Adi Reddy ngan Yerramreddy Santosh Reddy —nga ginpatay han mga pwersa nga reaksyunaryo nga estado nga Indian hadton Disyembre 2, 1999.

Sakob hini nga semana, naglalansar an mga mangaraway han PLGA han mga masmiting ngan rali ha lupgop nira nga mga komunidad. Panahon liwat ini agud pasumpaon an mga bag-o nga kaapi han Partido ngan hukbo han katawhan. Ha pira nga komunidad, nagtitindog hira han mga monumento komo pagsaludo ha ira mga martir.

Landaw ha pagsalin-urog yana nga tuig an nakabitay ha kalsada nga mga balatengga nga nag-uunod han mga panawagan han CPI-M.

Welga ha Liwayway, daug

NAGDAUG AN tulo kabulan nga welga han mga trabahador han Liwayway Marketing Inc. Workers' Union (LIWU-ANGLO-KMU) hadton Nobyembre 22 kahuman makab-ot an usa nga kasarabutan han unyon ngan maneydsment.

Ginpirmahan an kasarabutan agud ibalik ha trabaho an sobra 40 nga trabahador nga *naka-floating status*. Ighahatag liwat ha ira an waray kabay-di nga suhol ha panahon nga nakawelga. An mga trabahador han Liwayway an naghimo han mga produkto nga tsitsiriya nga Oishi.

Samtang, nagdaug liwat an mga trabahador han SMT Philippines kahuman an ira 55 adlaw nga protesta kontra ha iligal nga pageserra han kumpanya ngan blokeyo ha pagkaon ha ira piket.

Nakakuha hira han makurukarawat nga kompensasyon ngan *separation pay*. Gintagan liwat hira han mga bulig ngan benepisyo kahuman an duha kadekada nga pagtatrabaho ha kumpanya.

Kampuhan han trabahador han Sumifru ha Mendiola

SOBRA 300 NGA TRABAHADOR han Sumitomo Fruits Corporation o Sumifru an nagtindog han kampuhan ha Mendiola, Manila hadton Nobyembre 27. Kumadto ha Metro Manila an mga trabahador agud palandawon an kampanya kontra ha kontraktwalisasyon ngan demanda ha kumpanya nga kilal-on an ira unyon agud makigkolektibo nga negosasyon.

Naglansar liwat hira han protesta ha atubangan han Department of Labor and Employment ha Intramuros, Manila hadton Nobyembre 29 kontra ha pagpapagawas ni Sec. Silvestre Bello III han Assumption of Jurisdiction ha ginhimo nira nga piket ha Compostela Valley nga nag-aghat han mabangis nga dispersal dinhi.

Ginkundenar nira an mabangis nga pagpatay han estado ha duha nga unyonista nga umupod ha welga.

Samtang, hinugos an suporta ngan pakikig-usa ha ira tikang ha Workers Advocates for Rights Network (WARN), University of the Philippines ngan University of Sto. Tomas.